



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Petrus Olai Ord. Cist. C.

urn:nbn:de:hbz:466:1-38534

PETRVS OLAI ORDIN.
CISTERCIENSIS FLORVIT
ANNO CHRISTI 1378.

VRBANO VI. Pontifice.

CAROLO IV. Imperatore.

ALBERTO Rege.

Petrus vir exi-
mij spiritus.

Diuina in-
spiratione mone-
tur vt reuelationes S. Brig.
conferbat.
Dubius delibe-
rat.

Colaphus diu-
initus ei inflis-
tus.

Respicit ve-
niam precatus.

Repente conua-
luit.

S. Brig. à con-
fessionibus.

Acapitis diu-
turno dolore li-
beratur.

Loca sacra cū
S. Brig. inuisit.

Priscaperegrin-
antium Sue-
corum ac Go-
thorum reli-
gio.

PETRVS Monasterij Aluaftren. in Ostrogothia Ord. Cist. Prior eximij vir spiritus multæque in Diuinis rebus meditationis, diuina inspiratione admonitus erat, vt reuelationes D. Brigittæ conscriberet: sed ille sumpto ad deliberandum tempore cum staret vice quadam in templo cogitationibus varijs inter se confligentibus, his à proposito reuocantibus, illis inuitantibus, tandem post diurnam discussionem statuit à prædictis reuelationibus manum penitus abstinere, siue quod eiusmodi munere peragendo sese minus vel dignum vel aptum arbitraretur, siue quod illusionem Diaboli subesse formidaret. Et ecce diuinitus inflatus est illi colaphus tanta vehementia vt instar mortui omni sensuum ac virium destitutus officio in terrâ collaberetur. Monachi igitur è terra eleuatum promortuo ad cellam portauerunt inque lecto collocarunt. Media vero nocte circiter cum ad se reuersus paululum id quod erat animum illius subiisset, videlicet ea propter istud sibi euenisse quod reuelationi & præcepto obedire noluisse, factum detestatus dixit, *O, Domine Deus si hæc istius mali causa est ignosce paratus sum deinceps obedire & omnia verba quæ D. Brigitta mihi ex parte tua dictauerit litteris pro mea virili consignare.* Quo dicto cum nulla interposita mora se aduertisset omnimode curatū è lecto sese proripuit, proptus & alacer opus diuinitus iniunctum aggressurus. Et exinde D. Brigittæ à sacris confessionibus libris cælestium reuelationum scribendis continenter adhæsit. A puero etiam vehementissimum capitis dolorem passus erat, eoque non prius liberatus quam operi manum adhibuit, nec vnquam cum postea annis triginta quibus D. Brigittam comitatus vel minimum sensit. Compostellam, Romam ac Hierosolymam cum D. Brigitta peregrinus adiit multa interim pericula, famem, sitim, defatigationem, insectationes atque contumelias perpeffus. Ac Romæ quidem quamdiu constitit non solum D. Brigittæ ac familiæ illius à confessione seruiuit, sed etiam apud D. Petrum nationis Sueticæ atque Gotticæ penitentiarius præsertim anno Iubilei 1350. quo magnus ex iis partibus ad limina Apostolorum peregrinantium numerus confluxerat extitit, pijs exhorta-

exhortationibus, eleemofynis alijsq; charitatis operibus semper intētus: somnum raro procumbens in lectū capiebat, sed super tabulis vili strata culcitra, saepe super nudā humum cubabat, suo se pallio cooperiens. Et quanquam in seipsum satis asper esset & seuerus, alios tamē eximia charitate & beneuolentia complectebatur: Idem semper affabilis & spiritali semper leticia exultans videbatur in cœlis versari. Singularis sui cōtempnor desiderio & contemplatione totus in Deo defixus. Et quamuis extra septa monasterij morari cogeretur, regulæ tamen obseruantiam nunquam negligebat, vsum pœnitentiarum, ieiuniorum frequentiam, obediendi promptitudinem, humilitatis studium, zelum saluē animarum deuotionemque in quotidianis precibus recitandis, missis celebrandis & Diuinarum rerū tractatione studiose obseruabat. Impugnationem quandam grauem circa mysterium sanctissimæ Trinitatis visionē cœlitus facta superauit, & deinceps incredibilis fuit eius amator & prædicator. Postquam octo libros cœlestium reuelationum Regulam, que Ordinis D. Brigittæ in latinum sermonem transtulisset, cantum ei ordini proprium cum hymnis & antiphonis composuit, intereaque magna repletus dulcedine spiritus igne charitatis Diuinæ cor sibi magis ac magis incallescere persensit. Peregre proficiscentem latrones quadam vice inuasere necem minitantes, ni aurum forte reconditum promeret, quibus ille Apostolico more sine sacco & sine pera se iter agere cōmonstrat, qua voce non contenti nefarij homines pallium ei abripiunt. Petrus vero ab omni ira ac impatientia alienus vltro eis præbebat etiam tunicam & quicquid reliqui superfuerat. Iamque abeuntibus illis amici inquit si placet bibere habeo nonnihil vini in lagenula quod ad extremum elargitus gaudens Deo gratias retulit pro diuexationibus suis, & pro prædonibus iniurijs magna charitate orauit, sicq; nudus cœptum perfecit iter plus de animæ tegumento sartō conseruando, quam corporis indumento sollicitus.

Sæculo tandem functa D. Brigitta corpus eius vna cum B. Catharina Roma in Gothiam transtulit, vbi duos Dæmoniacos atque in Suecia vnum multis præsentibus à tyrannide malignorum liberauit. Denique ætate plenus postquam bonū certamen certasset & cursum consummasset ad repositam sibi in cœlis coronam iusticiæ feliciter migravit Anno circiter millesimo Trecentesimo octauo. Supra septuagesimum.

De coin prologo lib. 1. reuel. lib. 4. c. 32. lib. 6. c. 71. in prologo lib. extrausg. & c. 3. 6. 45. 46. 48. 71. 109. 113. 114. & 115.

Omnibus comis.

Sui despic. ex. Religiosi instituti obseruans.

Impugnationē spirituale habere adiunctam vicit.

Reuelationis S. Brig. in Latinum tradidit.

A latronibus spoliatur.

Singulare patientia exemplum.

Pro prædonibus orat.

Tres Dæmoniacos liberat.

Sancte obiit.